

АЙБЫНДЫ ЕЛДІҢ ҰЛАНЫМЫЗ!

Ұрпаққа өнеге!

«Айбын» деген сөздің мағынасы, түп-тамыры ешқашан тайсалмайтын алдыға қарай жол бастап, болашағы айқын да жарық, әрқашанда жастарға сенетін, біздің елдің аты жаһанды жарып, жер бетіндегі әрбір адамның есінде қалатындай деген мағынаны білдіреді деп ойлаймын. Әрбір дана болашақ жастардың қолында екенін бір емес, бірнеше рет қайталаған. Қазақ елім, ата-бабаларымыз біз үшін үлкен құрбандықтарға барып, жерін ұрпағын қорғап қалу үшін қажымас қайсар, отанына адал, ержүрек батылда батыр тұлға болған. Әлия, Мәншүк апаларымыз да қыз басымен соғыстың қақ ортасында жүре білген. Біз біле бермейтін ашылмаған ерлігі көз тоймас әлі қаншама есімдер бар. Біз осындай қазақ халқының ұрпағы болғанымызға мақтанамыз. Бірақ жай мақтана білу аз деп есептеймін, қазіргі әрбір жас жеткіншек, қарулы да, айбынды бола білудің қандай қиын да қарбаласқа толы жұмыс екенін ұға білуі қажет. Оған АӘД сабағыныңда қазақ

халқының мәңгілік ел болып қалыптасуына тікелей қатысы бар. Бұл сабақта қаншама оқушыны елін, жерін сүйетін патриот қылып қалыптастыратын іс-шаралар бар. Мен өз елімнің болашағы үшін қолымнан келгеннің бәрін жасаймын. Және әрбір баланың ойы мен мақсаты, жүрегі халқым деп соққанын қалаймын, әрине оған ат салысып келемін. Мен үшін жас ұрпақты осындай адамгершілікке тәрбиелейтін істерімен «Үлкенге құрметкішіге ізет» көрсетуді үйрететін елімнің болашағына үлес қосу менің міндетім деп есептеймін.

Менің туған ағам Маратов Ерін Есімбекович – әскери адам, «Қазақстан Республикасының Қарулы Күштерінің радиоэлектроника және байланыс» оқу орнының бесінші курс студенті. Оның мінез-құлқы мен іс әрекеті, отанына деген сүйіспеншілігі адам таңғаларлықтай. Одан үлгі алу маған үлкен абырой. Мен әрқашан отаным үшін отқа түсуге дайынмын, ал «Отан» деген не? Отан-сенің ошақ қасың отбасың, ағайын-туған жолдасың, жерің-еліңмен халқың емес пе.

Сондай-ақ, тарихты қазбалайтын болсақ, қазақ халқы соғыстан аулақ болған «ешкімге тиіспей жай жатқан ел» қаншама жаудың бетін өзінің білгірлігімен, ақылдылығымен-ақ қайтарған. Қазір де бұрынғы батырларымыздың жолын қуып келе жатқан айбынды азаматтар да аз емес. Осыдан 2 жыл бұрын болған оқиға Таразды ғана емес бүкіл қазақстандықтандықтарды дүр сілкіндірген болатын. Қарашаның он екісі күні орын алған жағдай халықтың жүрегін қанжылатқан. Бұл террактыдан кейін жарылған, өлтірген деген сыбыстар өте көп естілді. Неше жыл өтсе де өзінің жанын елі үшін құбан еткен Байтсатов пен Қылмыскерге қарсы шыққан полиция сержанты Полат Аянқұлыв, Жақсыбек Байсейітовтың есімдері – келешек ұрпаққа өнеге.

Егерде елімнің басына күн туса мен еш аянбай отаным үшін қылыш алып жауға шабам. Бұл сөзім менің айтқан антымдай болсын.

Еркетаң МАРАТОВА,
«Казнаковка орта мектебі» КММ-нің
10-сынып оқушысы,
ШҚО Көкпекті ауданы.